


# 嘉興府內山川之圖



大 唐 宣 宗 皇 帝 御 容

爽溪遯跡光王泯名受禪即位迴龍帝廷  
恭謹節儉咸當于理惠民愛物克盡終始



裁決庶務正治大中人民思詠稱小太宗  
水西梵宮猶存御容載瞻載仰曷不欽崇

東丘鄒衡贊

大 宋 孝 宗 皇 帝 御 容

宋室國脉政事愈蹙受禪之始銳意恢復  
改受書儀正敵國禮南北休息賢君之懿



惜無賢相未遂厥施天位有繼天道有知  
退居重華禪位東宮千載流虹垂譽無窮

東丘鄒衡贊

漢主爵都尉朱買臣像

主爵都尉會稽郡侯衣錦懷歸志匪遨遊  
昔焉未遇採樵自給行歌于市肉眼何識



黑樓之舡征越有功爰建其宅福城之東  
三賢有祠公居第一春秋萬祀景仰無極

東丘鄒衡贊

唐丞相陸宣公像

賢才嶽降問學淵深道濟台衡文光翰林  
忠翼國步善牘君心廟謨奏議救旱商霖



立朝正道治世德音於昭廟貌典祀永欽  
宋端平元年五月吉旦四明鄭清之贊

宋山陰令陳舜俞像

科登進士詔應賢良聲名烜赫光著文章  
授光祿丞簽書壽判調宰山陰秩猶未滿



因忤執政貶監星江往來乘犢泉石徜徉  
龍眠畫圖清風百世載瞻儀容高山仰止

東丘鄒衡贊

嘉興府志補序

禾郡志自宋嘉定甲戌岳珂守郡命闕表卿任行人子羽之事編稿將上因岳侯去而未成殆至元戊子徐碩增修考訂為卷三十有二為門四十有三於是始得為全板貯郡學朽腐散亂久之至是幾三百年為弘治辛亥儀真柳邦用來守是邦重加纂集然其間有未盡者郡庠鄒生衡正德改元嘗奉

例脩纂

孝廟寶錄因採輯未備名曰志補出獻前守萊陽于公  
嘉興府志補 序 一

世和仍委郡博何君鑑校正越六年予繼守郡而偶閱是書乃嘉衡用心之勤功翼

國史爰樂為之序俾刻而傳焉衡博學嗜古故能游情藝苑蜚譽泮林為禾郡名士云

正德壬申春正月吉旦

賜進士第中順大夫知嘉興府事前翰林院庶吉士雲

南道監察御史莆田石峯陳琳書于嘉慶亭中

嘉興府志補後序

志補補志遺也志之志山川人物風土形勝財賦與夫  
因革廢興之類其來久矣久則來於其後而爽於前者  
皆遺也遺則皆缺典也拾其遺補其缺使得以見其全  
而知其備亦學者格致之一端也未郡志自至元間迄  
今三百餘年向貯之尊經閣者板以湮沒書以鮮存然  
其間所載有未盡者君子寧無遺缺之快哉弘治辛亥  
儀真柳侯來守是邦一再纂集而所謂來於後爽於其  
前者容或有之正德改元予忝掌邦教已三載適奉

嘉興府志補

序

二

例增修因得盡其耳目之所逮以考其所不及焉而門  
人鄒生衡出其集志之所缺者來示嗚呼此非所以資  
見聞而廣所未備哉隨上賢守萊陽于公公雅重斯文  
垂情典籍者一見而悅之屬予仍加緊括既竣衡進而  
言曰志成矣將梓之而先生不可以無作也謹以序請  
書志後夫備一方之文獻補一志之遺缺衡用心亦勤  
矣去取之間魯魚之辨必有定見而有功於郡邑有補  
於風化可書也因贅數語於後云

正德元年丙寅秋嘉興府儒學教授岳陽何鑑書

嘉興府志補自序

嘉興志補者東邱鄒衡經史之餘而纂集也衡自弱冠時伏遇

憲宗賓天上承浙藩方伯吳公郡侯金谿徐公檄委纂府邑志起自天順八年止於成化二十三年纂完實錄進

京而存留司府縣者尚未鉅梓弘治二年儀真柳侯來守是邦視篆之餘慨然以梓行志書而命工曩者衡在制中兼病弗克與焉時郡庠生曾君春承柳侯命復脩嘉興府志補序

三

邑志而於人物錄事司碑碣遺文古蹟頗有遺失厥後聘南川林先生光校正是編因循鉅梓而於宋元志及統志中或新而無查者增之或舊而有考者遺之尚未慊吾郡士君子之意今者衡罔慙迂朽媿無由補襄於閭闔徒揮毫楮以自適乃於暇時覽宋元志伏讀

大明統志於吾郡中七邑有遺失者不可枚舉若人物若名宦若貞節若孝行蓋棺後有可為人師法者有陵墓學校寺觀橋梁碑碣文章所未載者仍脩上中下三帙成十二冊開卷之初肇自二帝三賢今圖其像敬製

贊語補志成書庶俾古蹟不使之遺而賢人君子後世一

有可考焉是為引

正德元年丙寅秋日識

嘉興府志補序

嘉興府志補目錄

沿革

道里

城社

鄉里

山阜

湖泖

溪潭

河港

嘉興府志補目錄

星槎

人物

坊巷

鎮市

江海

浦溆

陂塘

堰閘

戶口

學校

倉庫

橋梁考證

堂觀道院廟附

寺院考證

仙梵

碑碣下

題詠

物產

賦稅

官驛

樓閣考證

亭宇考證

冢墓

碑碣上

題詠

已上弘治間柳侯志有者不書遺而失者今補  
于后

嘉興府志補 目錄

嘉興府志補卷之一

賜進士嘉興府知府萊陽于鳳喈鑒定

東丘子 郡人 鄒衡 編集

嘉興府儒學教授岳陽何 鑑校正

沿革

星堃

城社

已上詳見前志

里至

西北至

南京水路七百三十八里陸路六百四十八里

嘉興府志補

卷一

一

西北至

北京水路四千一百里陸路三千五百八十四里

四至

統領以嘉秀縣界為率

東至本府海鹽縣界五十里自界首至海鹽縣七十里

南至本府海鹽縣界三十七里自界首至海鹽縣三十

里

西至本府崇德縣界三十里自界首至崇德縣五十里

北至蘇州府吳江縣界二十七里自界首至吳江縣六

十里

八到

東南到本府海鹽縣界五十四里自界首到海鹽縣三

十里

西南到本府崇德縣界五十五里自界首到崇德縣三

十六里

西北到本府崇德縣界四十五里自界首到崇德縣四

十里

東北到蘇州府吳江縣界六十四里自界首到吳江縣  
嘉興府志補 卷一

二

六十里

城門

東春波

考證 以其路接雙溪之水故云

西通越

考證 以其路通越王臺故云

南澄海

考證 以其路通海之大洋故云

北望吳

考證 以其路通姑蘇臺故云

西南二門各有公亭一座設耆老以理民訟

嘉興府志補 卷一

人物

二帝

唐

宣宗名怡更名忱憲宗第十三子武宗子幼怡以太叔  
即初避難居秀州之水西寺嘗咏詩有長安若問江  
南事報道風光在水西及受禪裁決庶務恭謹節儉  
咸當於理故大中之政人思詠之謂之小太宗在位  
十三年改元大中今水西爽溪亭橋御容俱存所咏  
詩元人周伯琦篆刻

嘉興府志補 卷一

四

宋

孝宗名伯琮宗室秀安僖王子備之子太祖之七世孫  
高宗太子粵死擇太祖子孫得伯琮賜名瑗改名瑞  
又改名昴立為皇太子遂受禪天資明敏豁達大庶  
左右未嘗見其喜愠之色即位之始銳意恢復惜無  
賢相以輔其成然能正敵國之禮改受書之儀南北  
休息亦為賢君也末年禪位太子退居重華先誕育  
於興聖寺東之天星河太后張氏所出紅光燭天寔  
建炎丁未十一月二十一日也在位二十七年改元

者三曰隆興者二曰乾道者九曰淳熙者十六

三賢

嘉興縣

西漢

朱買臣字翁子吳人家貧好讀書不治產業賣薪給食  
嚴助薦之於武帝拜中大夫後為會稽太守上嘗謂  
買臣曰富貴不歸故鄉如衣錦夜行買臣頓首辭謝  
遂衣故衣懷其印綬歸郡邸若其生平事業樓船征  
越有功詳見漢書

嘉興府志補 卷一

五

秀水縣

唐

陸贄字敬輿吳郡嘉興人年十八第進士中博學宏詞  
科調鄭尉壽州刺史張鎰願為忘年交餉錢百萬曰  
請為母夫人一日費贄不納止受茶一串後又拔萃  
選補渭南尉遷監察御史德宗召為翰林學士時年  
尚少以材見幸天子嘗以輩行呼而不名從幸奉天  
日發詔書數百思如湧泉下筆如神皆周盡事情武  
夫悍卒聞者無不感泣思奮帝頗親倚雖外有宰相

主大議而公常中參裁可否時號內相李懷光有異志公請李晟移屯以備徙幸遷諫議大夫還京為中書舍人俄為中書侍郎平章事公在朝論諫數十百篇炳炳如丹一本仁義譏陳時病剗拂帝短或規其太過公對曰吾上不負天子下不負所學皇他恤乎上欲相裴延齡公言延齡僻戾譟妄不可用帝不聽俄而延齡奸佞得君天下仇惡無敢言者公又上書諫帝不懌竟以太子賓客罷延齡揣帝意薄讒短百緒帝怒欲誅贄陽城交章論辨乃貶忠州別駕公既嘉興府志補 卷一 六

放荒遠常闔居人不識其面又避謗不著書順宗即位召還詔未至而卒時年三十有二追贈兵部尚書諡曰宣公有奏議翰苑文集行于世邦人士今祠之

嘉善縣

宋

陳舜俞字令舉仁宗嘉祐四年應材識茂異賢良方正能直言極諫科擢為第一是時公已登進士乙科矣復中是選故文章聲名赫然在人上始授光祿丞僉書壽州判官宰山陰秩未滿召試館職不就會朝廷

行青苗法上書力詆且自劾因忤執政貶監星江酒  
稅公在貶所日與太傅劉凝之跨雙犢以窮泉石之  
勝自號白牛居士龍眠居士李伯時畫而為圖名高  
一代公直道自信無所回撓遂絕意仕進得著書立  
言有都官集  
卷行于世蔣之奇序東坡六客公  
與焉

名人賢士

嘉興縣

國朝

嘉興府志補

卷一

七

姚綬字公綬號穀菴少有才名專攻古文辭弱冠始業  
舉遂取科第至為御史政能多出人右臺有大議必  
命之參畫嘗奉

勅巡鹽兩淮鈎剔積弊幾盡淮飢曰吾御史宜無所  
不可行畫策賑濟民多復活

上降璽書俾終厥事益以才稱未幾出知永寧以母  
老辭歸居大雲里饒水竹作室曰丹邱自稱丹邱先  
生又作滄江虹月之舟游泛自適書法鍾王勁婉甚  
妙詩賦暢茂引筆累千言不休畫初善水墨後進學